

西  
夏  
書  
列  
傳

西夏書卷之六

載記四

崇宗

崇宗乾順惠宗之長子也母曰昭簡文穆皇后梁氏生三

歲即位時宋元祐元年

遠大安二年

天儀治平元年

二年

三年

四年

五年春二月夏歸永樂之俘于宋宋帝詔以米脂等四砮

昇之時議棄西邊四寨執政召直龍圖閣京兆游師雄景

叔

問之對曰先帝棄之可也主上棄之則不可且示弱反

益邊患爭之甚力不聽卒棄之四寨者葭蘆米脂浮屠安  
疆也夏人以事出望外萌侵侮之心連年犯順皆如師雄  
所料是歲師雄被命行邊請以便宜行事夏人與鬼章謀  
寇熙河師雄說劉舜卿出師種誼遂破洮州擒鬼章以獻  
師雄有元祐分疆錄三卷

天祐民安元年

二年

三年

四年

五年

六年十月夏自得四砦連歲以畫界未定侵擾邊境且遣使欲以蘭州一境易塞門二砦宋朝不許夏主乃奉其母率衆五十萬大入鄜延西自順寧招安砦來自黑水安定中自塞門龍安金明以南一百里間相繼不絕至延州北五里是月自長城一日馳至金明列營環城夏主子母親督持鼓縱騎四掠知麟州有備復還金明而後騎之精銳者留龍安邊將悉兵掩擊不退金明遂陷守兵二千八百惟五人得脫城中糧五萬石草料萬束皆盡宋將官皇城

使張俞戰死。還留一書置漢火頭上。曰：貸汝命投于經。略使處勅宋帝。聞有夏寇。秦熾笑曰：五十萬衆深入善境。不過十日。勝不過一二砦。須去已而果破。金明引退。七年三月。宋知渭州章綦以夏人猖獗。上言：城葫蘆河川。振形勝。以偪夏朝議。許之。遂合熙河秦鳳環慶廊延四路之師。陽繕理他砦。數千。所以示怯。而陰具板築守戰之備。出葫蘆河川。築二砦於石門峽江口。好水河之陰。夏人聞之。帥衆來乘綦。迎擊。敗之。二旬。又二日。城成。賜名曰平夏。城靈平。砦章惇。因請絕夏人歲賜。而命沿邊諸路相繼築城於要害。以進拓境。王凡五十餘所。

八月鄜延經略使呂惠卿乞諸路出兵乘便討擊詔河東  
環慶並聽惠卿期約惠卿遂遣將官王愨攻破宥州尋又  
奏築威戎威羗二城宋加惠卿銀青光祿大夫時章惇肆  
開邊隙故諸道興役進築屢被爵賞

八年冬十月夏兵圍平夏城章惇禦之獲其勇將寃名阿  
埋西壽監軍妹勒都逋斬獲甚衆夏人震駭捷至帝御紫  
宸殿受賀惇在涇原日久嘗言夏嗜利畏威不有懲艾邊  
不得休息宜稍取其土疆如古削地之制以固吾圉然後  
諸路出兵擇要害不一再舉勢將自蹙矣章惇與惇同宗  
言多見采由是創州一城砦九屢敗夏人而諸路多建城

砮以逼夏及魯夏之捷夏人不復振

十二月彗星見救國中

永安元年三月夏人求援于遼遼主遣簽書樞密院事蕭德崇來為夏人議和仍獻玉帶詔郭知章報之復書謂若果出至誠深悔謝罪當徐度所宜開以自新之路

二年

三年

貞觀元年夏以為宋所侵遣李造福田若水如遼求援

二年

三年

四年二月宋蔡京使王厚招夏卓羅右廂監軍仁多保忠厚言保忠雖有歸意而下無附者章數上京責厚愈急厚乃遣弟詣保忠還為夏遲者所獲遂追保忠赴牙帳厚以保忠縱不為夏所殺亦不能復領軍政使得之一匹夫耳何益于事京怒必令以金帛招致之夏乃點兵延涓慶三路各數千騎出沒聲言假兵于遼而朝廷用京計又命西邊能招致夏人者毋問首從賞同斬級令陶節夫在延安大加招誘夏主遣使翼請皆拒之又令殺其放牧者夏人遂入鎮戎略數萬口與羗酋谿賒羅撒合兵逼宣威城知鄯州高永年出禦之行三十里為羗人所執多羅巴誦其



下曰此人奪我國使吾宗族漂落無處而遂殺之探其心  
肝食焉已而羗衆復焚大通河橋以叛新疆大震事聞宋  
帝怒親書五路將帥劉仲武等十八人姓名敕御史侯蒙  
往秦州逮治蒙至秦仲武等囚服聽命蒙喻之曰君輩昏  
侯伯無事辱獄吏第以實對獄既具蒙奏言漢武帝殺王  
恢不如秦穆公赦孟明子玉縊而晉侯喜孔明亡而蜀國  
輕今羗殺吾一都護而使十八將由之以死是自戕其肢  
體也欲身不病得乎宋帝悟釋不治唯王厚坐逗遛降授  
郢州防禦使

四月夏人入寇鄜延將劉延慶等敗之

五年三月宋許夏人平廢銀州為銀川城罷五路經制司  
徙陶節夫知洪州

六年

七年

八年

九年

十年

十一年

十二年

十三年

雍宣元年

二年

三年

四年

五年

元德元年

二年

三年六月遣兵援遼為金師所敗八月遣曹介如遼問起居

四年二月請遼主臨其國遼冊夏主為夏國皇帝

是年

金天補六年

金破遼遼主走陰山夏將李良輔將兵三萬

來救遼次天德境野谷斡魯婁室敗之于宜水追至野谷

湖水暴至漂沒者不可勝計宗望至陰山以便宜與夏國

議和其書曰奉詔有之夏主遼之自出不渝終始危難相

救今茲已舉遼國若能如事遼之日以効職貢當聽其來

無致疑貳次年

金天會二年

始奉誓表以事遼之禮稱藩請受

割賜之地宗翰承制割下寨以北陰山以南乙室耶剌部

吐祿灤之西以賜之夏主遣把里公亮等上誓表蓋宗望

以太祖命與之通書而宗翰以便宜割地議和云太宗使

王阿海揚天吉賜誓詔

稱天會二年歲次甲辰閏三月戊寅朔皇帝賜誓詔于夏國王乾順

夏主表謝并論宋所侵地詔西南西北兩路都統府從宜  
定奪權都統幹魯因定四邊地界以限封域 王阿海等  
以誓詔賜夏國乾順以契丹舊儀見使者阿海不肯曰契  
丹與夏國甥舅也故國王坐受今大金與夏國君臣也見  
大國使者當如儀爭之數日不能決于是始起立焉

五年雷芝生於後堂高守忠家國主作靈芝歌命中書相  
王仁宗和之

六年

七年四月夏陷宋天德雲內諸城金人襲取之先是粘沒  
喝遣撒柁使夏許割天德雲內金肅河清四軍及武州等

八館之地約攻麟州以牽河東之勢夏人遂由金肅河清渡河取天德雲內武州河東八館之地因攻鎮威城兵馬監押朱昭力戰而敗乃盡殺其妻子納尸井中復帥士搏戰死之城遂陷既而金將谷神以數萬騎陽為出獵掩至天德逼逐夏人悉奪有其地夏人請和金人執其使

九月夏陷西安州十一月陷懷德軍宋知軍事劉銓通判杜翊世死之

正德元年

二年

三年

四年

五年

六年

七年

八年

大德元年

二年

三年

四年

五年六月夏主殂年五十七子仁孝立

謚曰聖文皇帝

廟號崇宗墓號顯陵



西夏書卷之七

載記五

仁宗

仁宗仁孝崇宗長子也宋紹興九年

金天眷二年

即位時十六

改元為大慶元年

二年

三年

四年

人慶元年初崇宗建國學設弟子員三百立養賢務至是  
遍建學校于國中立小學于禁中親為訓導廣興學校弟

子員增至三千

二年

三年

四年

五年

天盛元年策舉人始立唱名法 是年十二月金海陵弑  
熙宗而自立遣使報諭至境上夏人問曰聖德皇帝何為  
見廢金使有司以廢立之故移文報之

二年

三年

四年

五年

六年

七年

八年

九年

十年

十一年六月樞密使慕洎弟慕濬謀反伏誅羣臣上尊號  
曰制義去邪以族誅洎事未聞于金金主詔書責讓之是  
年饑

十二年封其相任得敬為楚王

十三年三月地震逾月不止地裂泉湧出黑沙歲大饑乃立井里以分賑之

十四年彗星見坤宮五十餘日而滅占其分在夏國

十五年八月建太學親釋奠弟子員賜予有差

十六年尊孔子為文宣帝

十七年

十八年復建內學選名儒主之增修律成賜名曰新始立通濟監鑄錢 案今古錢內有天盛天慶皇建光定西夏

錢也

十九年

二十年

二十一年設翰林學士院以焦景顏王侗等為學士命修  
實錄

二十二年

乾祐元年八月晦任得敬以謀篡伏誅

二年金主謂宰臣曰夏國以珠玉易我絲帛是以無用易  
有用也乃減罷保安蘭安榷場

三年

四年

五年

六年

七年夏主念金思厚獻本國百頭帳金主却之夏主再請  
乃許與正旦使同來是年復罷綏德榷場止存東勝環州  
夏表請復置金詔保安蘭州地無絲糸惟綏德建關市以  
通貨財使副往來聽留館中貿易宴坐朵殿

八年

九年

十年

十一年

十二年

十三年

十四年

十五年

十六年

十七年

十八年

十九年

二十年金詔夏使館中貿易且已

二十一年邊將阿魯帶率兵詰夏執邏卒夏廂官吳明契

等伏兵三千於澗中阿魯帶口中流矢而死取其弓刀而去金詔索殺阿魯帶者夏人處以徒刑索之不已乃殺明  
契等

二十二年移置中書樞密于內門外大禁奢侈

二十三年夏主殂于純佑立 謚曰聖德皇帝廟號仁宗  
墓號壽陵

金學士趙秉文奉使西夏中途聞夏主殂而回楊尚書之美以詩戲之曰中朝人物滿仙才金節煌煌使夏臺得句  
逢人唾珠玉揮毫落紙散瓊瑰一封書貸揚州牧半夜雷  
轟薦福碑窮達書生畧相似滿頭風雪却回來

見盛如梓  
庶齋老學



叢案閒閒奉使當在仁孝之殂附此俟考

案仁宗在位五十三年乾祐止二十三年宋史作在位五十五年乾祐二十四年並不合恐傳寫之誤

桓宗

桓宗純祐仁宗長子也母曰章獻欽慈皇后羅氏宋紹熙

五年

金明昌五年

即位時年十七

天慶元年

二年

三年

四年金復置蘭州保安權場

五年

六年

七年

八年

九年

十年

十一年

十二年

十三年

十四年

宋開禧二年  
金泰和六年

正月二十日夏主為安全所廢尋殂

年三十 謚曰昭簡皇帝廟號桓宗墓號莊陵

襄宗

襄宗安全初封鎮夷郡王崇宗之庶孫越王仁友之子廢其主純祐而自立

應天元年河清上下數百里或以為蒙古受命之符

二年

三年

四年五月蒙古入霸州夏主安全降

皇建元年

二年八月夏主殂年四十二有子曰承禎族子遵頊立

謚曰敬穆皇帝廟號襄宗墓號康陵

神宗

神宗遵頊齊國忠武王彥宗之子始以宗室策試進士狀元及第充大都督府主以宋嘉定四年金大安三年七月三日

立時年四十九

光定元年

即建二年

金衛紹王崇慶元年遣使冊為夏國王

二年自是年

金廢帝崇慶二年

以後連年與金交兵具見金史西

夏傳

三年

金至寧元年  
又改貞祐

四年

金宣宗貞祐二年

五年

六年

七年

八年

九年

十年

金宣宗興定元年

十一年元人伐西夏國其王城夏主出走西涼

十二年

金哀宗元光元年

十三年夏主自號上皇傳位於子德旺殂年六十四 謚

曰英文皇帝

獻宗

獻宗德旺神宗長子也

乾定元年

大金哀宗正  
大元年

與金和議成自稱兄弟之國自天會

議和八十餘年金與夏未嘗有兵革之事及貞祐之初小有侵掠以至構難十年不解一勝一負精銳皆盡而兩國俱敝矣

二年

三年

四年

宋理宗寶慶二年

時蒙古入夏城邑多降七月夏主憂悖而

殂年四十六國人立峴

末主

末主峴初封南平王獻宗弟之子清平郡王子也

元年丁亥六月為蒙古所滅國亡蒙古以夏主峴歸夏亡  
時諸將爭掠子女財帛耶律楚材獨取書數部大黃兩駝  
而已既而軍士病疫惟得大黃可愈楚材用之所活萬人  
十二月蒙古主特穆津即鐵木真殂於六盤山夏主峴為諸將  
所殺

原缺



西夏書卷之九

地理考

遼史曰西夏本魏拓跋氏後其地則赫連國也然國雖仍赫連舊名而地不止勃勃故壤矣其先党項入居銀夏之間者號平夏部拓跋思恭以破黃巢功賜姓李氏兄弟相繼為節度使居夏州在河南繼遷再立國元昊始大乃北渡河阻河依賀蘭山城興州徙都之其地初有夏綏銀宥靈鹽等州其後遂取武威張掖酒泉燉煌郡地南界橫山北界西河善水草宜畜牧所謂涼州畜牧甲天下者是也土堅腴水清冽風氣廣莫民俗強梗尚氣重然諾敢戰鬪

夏之境土方二萬餘里緣境七鎮其東西二十五驛南北十餘驛河之內外州郡凡二十有二河南之州九曰靈曰洪曰宥曰銀曰夏曰石曰鹽曰南威曰會河河西之州九曰興曰定曰懷曰永曰涼曰甘曰肅曰瓜曰沙熙秦河外之州四曰西寧曰樂曰廓曰積石其地饒五穀尤宜稻麥甘涼之間以諸河為溉興霸有古渠曰唐梁曰漢源皆支引黃河故灌溉之利歲無旱澇之虞此西夏地形之大較也今以二十二州為斷其隸屬無定及分併不常者疑則闕之其餘為軍為城為砦為堡亦附見焉土產大麥葷豆有稞床子古子蔓鹹地蓬實菘蓉苗小蕪荑雜草子地黃

葉登廂草沙葱野韭拒灰篠白蒿鹹地松實

河南之州九

霸州 魏大延二年置薄骨律鎮唐為靈州又為霸武郡  
宋雍熙五年三月繼遷大集蕃部攻陷靈州以為西平府  
六年春遂都于霸州後改為翔慶軍

鳴沙縣隋置環州立鳴沙縣唐葦州以縣隸靈州宋沒于  
夏國仍舊名

威州本安樂州初吐谷渾部落自涼州徙于鄯州不安其  
居又徙于雲州之境咸寧二年以雲州之故鳴沙縣地倚  
置東臯蘭州以居之至德後沒吐蕃大中二年收復更名

三年徙治涼鎮為行州縣二鳴沙温池 宋以渭州隴干城置德順軍鳴沙乃德順要害之地

洪州党項州有彭州本洪州貞觀三年置八年更名彭州隸軌州都督府

宥州 宣翔郡調露元年於靈夏南境以降突厥置魯州麗州舍州塞州休州契州以唐人為刺史渭之六胡州長安四年併為匡長二州後遷其人于河南及江淮開元十六年以六胡州殘人置宥州乾元元年理經略軍後移作長澤縣長澤漢朔方郡三封縣也

銀州 綏州本隄陰郡唐貞觀二年析綏州之儒林鎮置

銀州銀州銀川郡領儒林撫寧真鄉開光四縣五代以來  
為西夏所有熙寧元年收復尋棄不守元豐四年收復五  
年即永樂小川築新城距故銀州二十五里前據銀州大  
川賜名銀川若旋被西人陷沒崇寧四年收復仍為銀州  
五年廢為銀川城

夏州 赫連勃勃據朔方都統萬稱大夏唐為夏州屬靈  
州羈縻州又有東夏州此夏州宋初廢為鎮領蕃部唐末  
有拓跋思恭鎮夏州世有銀夏綏宥靜五州之地

石州晉離石地後為石州唐永泰後六州党項居於石州  
鹽州 後漢西海郡乞伏乾歸都此稱涼隋金城郡唐初

置蘭州都督府督蘭河鄯廓四州又督西鹽州又督涼州  
後罷都督府天寶元年改金城郡乾元元年復為蘭州時  
西鹽州東鹽州寄治北庭府界內

南威州 安化州都督府領州七有威州又環州唐改威  
州宋復為環州此加南字以別于環州也

會河州 本抱罕郡天寶元年更名河州有鳳林闕積石  
山

河西之州九 古雍州之域漢武以甘肅瓜涼沙為河西  
五郡以制匈奴唐為隴右道後以江山濶遠奉使艱難自  
黃河以西分為河西道

興州 宋初廢為鎮領蕃部自唐末拓跋思恭鎮夏州世有銀夏綏宥靜五州之地宋天禧間傳至其孫德明城懷遠鎮為興州以居後升興慶府又改興中府元正元二十五年置宣夏路總管府

定州 党項州有宜定州都督府領州七

懷州 党項州嗟州貞觀五年置縣一相雜相雜本隸西懷州

永州 党項州有永平都督府

涼州 隋武威郡武德二年置涼州總管府管涼甘瓜沙四州涼州領姑臧昌松番禾三縣天寶元年改為武威郡

乾元元年復為涼州宋初為西涼府景德中陷入西夏

甘州 隋張掖郡唐武德二年置甘州天寶元年改為張掖郡乾元元年復為甘州宋初為西夏所據改鎮夷郡又立宣化府 山丹州唐為刪丹縣隸甘州宋初為夏國所有置甘肅軍

肅州 漢酒泉郡唐武德二年分甘州之福祿瓜州之玉門置八年置都督府督肅瓜沙三州貞觀元年罷都督府天寶元年改為酒泉郡乾元元年復為肅州宋初為西夏所據元太和二十一年西征攻肅州下之

瓜州 隋燉煌之棠樂縣武德五年置瓜州天寶元年改



晉昌郡乾元元年復為瓜州宋初陷于西夏夏亡州廢  
沙州 隋燉煌郡武德二年置瓜州改為西沙州貞觀七  
年去西字天寶元年改為燉煌郡乾元元年復為沙州宋  
仍為沙州景祐初西夏陷瓜沙肅三州盡得河西故地元  
太祖二十二年破其地隸八都大王

熙秦河外之州四

西寧州 鄯州有湟水一名樂都水後魏置鄯州後周置  
樂都縣唐置鄯州上元間沒于吐蕃號青唐城宋改為西  
寧州南涼禿髮鹿利孤西平故城在鄯城縣西今西寧州  
樂州 舊遼川城元符二年收復建為湟州建中靖國元

年棄之崇寧二年又復大觀三年加嚮德軍節度宣和元年改為樂州

廓州 隋澆河郡武德二年置廓州天寶元年改為寧塞郡乾元元年復為廓州廣威縣後漢燒當羗之地段頽破羗斬澆河大帥即此漢末置西平郡此地即南界也前涼置湟河郡後魏置石城郡廢帝因縣內化隆谷改為化龍縣因置廓州先天元年改為化成縣天寶元年改為廣威縣縣界有拔延山宋元符二年以廓州為寧塞城崇寧三年棄之是年收復仍為廓州

積石州 本宋熙州臨洮郡積石軍溪哥城金大定二十

二年為州有來羗城臨夏邊其屬西夏時代無考

亦集乃路在甘州北一千五百里城東北有大澤西北俱接沙磧乃漢之西海郡居延故城夏國嘗立威福軍元太祖二十一年內附

斡羅孩城元太祖再征夏克之

兀刺海城元太祖四年由黑水城兀刺海西關口入河西獲西夏將高令公克兀刺海城

西夏兼有晉時赫連乞伏禿髮沮渠之地唐朔方隴右之兩隸也朔方為禹貢雍州之域隴右為禹貢雍梁二州之域鹽綏為鞏首分銀夏為實沈分唐時豐勝靈夏朔代號

河曲五州後大半陷入吐蕃貞元五年張文湖以瓜沙伊肅鄯甘河西蘭岷廓十一州來歸皆宋時西夏之地也

唐貞觀四年党項酋長細封步賴及諸姓酋長相率內附以其地置州縣隸松州都督府五年又開其地置州十六縣四十七又以拓跋赤辭部置州三十二後祿山之亂河隴陷吐蕃乃徙党項州所存者於靈慶銀夏之境靜邊州都督府者即赤辭部也貞觀初置在隴右後僑治慶州境肅宗時懿蓋嗟諾璋祐臺橋浮寶玉位儒歸恤及西戎西滄樂容歸德等州皆內徙餘皆没于吐蕃

唐開元九年置朔方軍節度使夏鹽綏銀豐勝六州隸焉

二十一年增涇原寧慶隴鄜坊丹延金宥麟十二州以匡  
長二州隸慶州安樂二州隸原州大厯十四年析置河中  
振武邠寧三節度朔方所領靈鹽夏豐四州振武所領綏  
銀二州貞元三年置夏州節度觀察處置押蕃落使領鹽  
夏二州其後罷領鹽州元和九年夏州節度增領宥州太  
和七年以銀州刺史領銀州監牧使開成三年夏州節度  
領揀造供軍銀川監牧使思恭以勤王官夏綏銀宥節度  
使中和二年夏州節度賜號定難軍旌思恭之功也然自  
後綏仍屬宋而靜亦無聞此是繼捧歸朝納土後繼遷不  
得而有之矣

綏德軍唐綏州熙寧三年收復廢為城隸延州在州東北  
三十里元豐七年以延州米脂義合浮圖懷寧順安綏平  
六城皆隸綏德城元符二年改為軍并將暖泉米脂開光  
義合懷寧克戎臨夏綏平砦青澗城永寧關白草順安砦  
並隸軍 米脂砦本西夏砦元豐四年收復為米脂城元  
祐四年給賜夏人元符元年收復 義合砦本夏人砦元  
豐四年收復隸延州延川縣七年改隸綏德城 克戎城  
本西人細浮圖砦元豐四年收復隸延州延川縣七年改  
隸綏德城元祐四年給賜夏人紹聖四年收復賜名 青  
澗城延州舊城

靜州本党項州之悉唐縣唐顯慶元年於縣置悉州儀鳳三年置南和州天授二年改為靜州屬隴右道隸松州都督府後割屬劍南又隸夏州節度

安西大都護府有保大軍屯碎葉城于闐東界有蘭城坎城二守捉城西有葱嶺城有胡弩固城吉良三鎮西南有皮山鎮貞觀時置焉耆都督府本于闐國治碎葉城貞元時沒于吐蕃思孝思敬官保大即此

宋有天下三百餘年跡建隆初迄治平末一百四年州郡沿革無大增損熙寧始務闢土而种諤先取綏州韓絳繼取銀州王韶取熙河章惇取懿洽謝景溫取徽誠熊本取

南平郭遠取廣源最後李憲取蘭州沈括取葭蘆米脂浮  
圖安疆等砦雖以河西邊界七百里與遠人當時王安石  
議曰吾將取之且姑與之也元祐更張葭蘆等四砦給賜  
戩人而分畫久不能定紹聖遠罷分畫諸路各乘勢攻討

進築自三年秋七月迄元符二年冬凡陝西河東建州一

西軍二

晉寧

關三

龍潭

城九

西平

及威

戎興

平定

約會

川

砦

二十八平羗平戎珍羗暖泉米脂克戎安疆橫山綏遠靈

羗霸平高平西平新泉開羗通峽天都臨羗定戎龕谷大

寧通秦寧河彌川寧遠神泉烏龍堡十

開羗

通羗

石門

通河

彌川

靈

又取青唐

邠

遼川

江

寧塞

府

龍支

宗

等城

建中靖



國志遷吐蕃故壤稍紓民力崇寧急變前議專以紹述為

事蔡京始任童貫王厚更取涇邠廓三州迄於重和既立

靖夏

涇原

制戎

延

制羗

西

三城

雖夏人寢衰而民力亦弊西

事甫定北釁旋起厥後燕山雲中兩路粗閱三歲禍變旋  
作中原板蕩故府淪沒職方所紀漫不可考矣

宋慶陽府所隸橫山砦地西察咄元符元年進築賜名

白豹城舊屬西界元符二年脩復賜舊名後為定邊軍

環州所隸朱臺堡

木瓜堡

麝香堡

金肅州遼重熙十二年伐西夏置割燕民三百戶防秋軍  
一千實之屬西南面招討使 河清軍西夏歸遼開直路

以趨上京重熙十二年建城號河清軍徙民三百戶防秋兵一千實之屬西南面招討使

金天會五年元帥府宗翰宗望奉詔伐宋若克宋則割地以賜夏及宋既克乃分割楚夏疆封自麟府路洛陽溝距黃河西岸西歷暖泉堡鄜延路米脂谷至累勝寨環慶路威延寨踰九里原至委布谷口涇原路威川寨略古蕭關至北谷口秦鳳路通懷堡至古會川自此距黃河依見流分照河路盡西邊以限楚夏之封此西夏之地界也 皇統六年以德威城西安州定邊軍等沿邊地賜夏國從所請也正隆元年命與夏國邊界對立烽堠以防侵軼

西夏瀕河五州皆有古渠其中興州者一名唐渠長袤  
四百里一名漢渠長袤二百五十里其餘小州又有古渠  
十長袤各二百里支渠大小共六十八計溉田九萬餘頃  
兵亂以來渠皆淤淺

西夏書卷之十

官氏考

西夏設官之制多與宋同朝賀之儀雜用唐宋而樂之器與曲則唐也五代之際朝典夕替制度禮樂盡為灰燼唐節度使有鼓吹樂故夏國聲樂猶有鼓吹之遺音焉元昊改元以後始大建官其官制與兵制相表裏置十二監軍司委豪右分統其衆自河北至午臘箬山七萬人以備契丹河南洪州白豹安鹽州羅落天都惟精山等五萬人以備環慶鎮戎原州左廂宥州路五萬人以備鄜延麟府右廂甘州路三萬人以備西蕃回紇賀蘭駐兵五萬靈州五

萬人興州興慶府七萬人為鎮守總五十餘萬而善戰倚山訛山訛者橫山羗平夏兵不及也選豪族善弓馬五千人送直號六班直月給米二石鐵騎三千分十部發兵以銀牌召部長而受約束設十六司於興州以總庶務蓋當時仕者武將為多也兵總計五十餘萬別有擒生手十萬興霸之兵精練者又二萬別副以七萬為負擔號御圍內六班分三番以宿衛每有事于西則自東點集而西于東則自西點集而東中路則東西皆集至乾順仁孝時而始右文則國已衰弱矣夏主元昊五月五日生以是日相慶賀又以四孟朔為節夏初革樂之五音為一音裁禮之九

拜為三拜篤信祿鬼事詛祝凡出兵先卜有四一炙勃焦  
以火灼羊脾骨二擗算擗竹於地以求數若揲蓍然三呪  
羊其夜牽羊焚香禱之又焚穀火于野次晨屠羊腸胃通  
則吉羊心有血則敗四矢孳殄聽其聲知勝負及敵至之  
期病者不用醫藥召巫者送鬼西夏語謂巫為廝也或遠  
他室謂之閃病喜報仇有喪則不伐人負甲葉于背識之  
仇解用雞猪犬血和酒貯於鵠骸中飲之乃誓曰若復報  
仇穀麥不收男女禿癩六畜死蛇入帳有力小不能復仇  
者集北婦享以牛羊酒食趁仇家縱火焚其廬舍俗曰敵  
女兵不祥概避去訴于官官擇舌辯氣直之人為和斷官

聽其曲直殺人者納命價錢百二十千民年十五為丁有二丁者取一為正軍負擔雜役一人為抄四丁為兩抄餘號空丁願隸正軍者得取他丁為負擔否則得取正軍之疲乏者為之故壯者皆習戰鬪而得正軍為多凡正軍給馬駝各一每家自置一帳圍練仗以上帳弓矢各一馬五百匹索駝五旗鼓五槍棍棒抄袋披氈渾脫背索鍬鍤斤斧箭牌鐵爪篙各一刺史以下人各一駝箭三百幕梁一餘兵三人共一幕梁幕梁織毛為幕而以木架有砲手二百人號潑喜陡立旋風砲于索駝鞍得漢人勇健者號撞令郎若脆怯無他技者遷河外耕作或以守肅州齎糧過

一旬晝則舉煙揚塵夜則篝火為候獲人馬射之號曰殺  
鬼招魂或射草縛人出軍用單日避晦日多立虛寨設伏  
兵衣重甲乘善馬用鈎索絞聯雖死馬上不落每戰則先  
出鐵騎突陣陣亂則銜孛之步兵扶騎以進戰則大將居  
後或據高險其人耐寒暑飢渴每舉兵必率部長與獵有  
獲則下馬環坐飲酒割鮮而食各問所見擇取其長民俗  
勇悍如此其便服則氍毹地繡盤毬子花旋襪束帶其國  
主自號寇名設官分文武其冠用金縷帖間起雲銀紙帖  
緋木金塗銀帶佩蹠蹠解鉅短刀弓矢穿鞞禿髮耳重環  
紫旋襪六襲出入乘馬張青蓋以二旗前引從者百餘騎



民庶衣青練以別貴賤俗皆土屋惟有一命者得以瓦覆  
之此我國風俗衣冠騎乘之大槩也

大王 遼有北面大王知北院大王南面大王知南院大

王

中書令

殿前太尉 殿前馬步軍太尉

樞密使 左樞密使 樞密都承旨 樞密副都承旨

樞密直學士

參知政事

御史大夫 御史中丞

吏部尚書

左金吾衛上將軍

南院宣徽使

六宅使

觀文殿大學士

翰林學士

中書舍人

秘書少監 秘書郎

匱匱使 精鼎匱匱使 精方匱匱使

光祿大夫

武功大夫

武節大夫

宣德郎

開封尹

中興尹 知中興府事 知中興府通判

東經略使

西南都統 統軍

刺史

會蘭正鈐轄

圍練使

左右廂十二監軍司 左廂神勇 石州祥祐 宥州嘉

寧 韋州靜塞 西壽保泰 卓羅和南 右廂朝順

甘州甘肅 瓜州西平 黑水鎮燕 白馬強鎮 黑水

威福

興州十六司

行軍司馬

陝西東路運司

古號背款云永安三年上元日陝西東路  
運司戶局造作匠杜雲監官錄事任立提

控所特運  
使高

夏之官制雖不可盡考第就其載於史者而內外之制亦

大略可見矣

党項八部以姓為部細封氏

項親時酋長  
細封步賴

費聽氏野

亦作往

利氏頗超氏野辭氏房當氏米禽氏拓跋氏

拓亦作拓  
跋亦作拔五

代史有折氏

拓跋氏後魏書云黃帝子昌意之後受封北土黃帝土德王北人以土為拓后受為跋號拓后跋氏後省為托跋孝文帝遷都洛陽改為元氏沈約宋書以為李陵之後號索頭部此異說也元魏與南涼同祖拓跋禿髮出于鮮卑而西夏出于党項疑元魏之後入于党項未可知也或謂黃帝少子恂遷于北土後統党項為拓跋氏此則偽造不經矣鄭氏樵云唐開元後有右監門大將軍西平公靜邊州

都督拓跋守寂亦北蕃也孫乾暉姪澄並銀州刺史王氏  
應麟云拓跋氏孝文改為元氏後周拓跋恭又吐谷渾拓  
跋木彌党項亦有拓跋氏唐有思恭賜姓李五代楚天策  
學士拓跋恒

卧 咩 遇 罔 柔 隈 煞 堯 紐 稽 同

音有  
吐氏

以上一字姓

慕衛

野利

唐方池州都督府野利氏部落又宜定州有  
野利州唐有野利茶北野利茶剛附郭子儀

沒藏

咩迷

訛藏

沒哆

剛浪

仁多

卧 夥

野

力當即  
野利

破丑

唐三野利氏族五把里氏族一與吐蕃姻

後贊普悉王之復有破芭一作里訛留 寇嚙 紐卧

訛羅 莊浪 浪訛 寇惡 卧落 寇宰 骨勒 訛

哆 惡惡 寇岩 浪訛 謀寧 麻骨 麻奴 廼令

找稅 孰寇 吳哆 野遇 囉哆 折哆 連都

習勒 梅訛 廼來 雜辣 細卧 葩俄 都羅 每

米 妹勒

以上二字姓

天籍辣

以上三字姓

訛藏屈懷

以上四字姓

元時稱西戎人曰唐兀為色目三十一種之一此元時又  
以唐兀為姓也詳元史



